

# Balɛa na bata

gba

## Djaa

Eli na kalanɛ

Bhele kpála \*Djaa , aye balɛa inde-e pi bhele kpála natsia 'kpí li Dadjua gba Ebhe inde 'li e me Gaiusi. Djaa adɛ agama 'ngú gba ani-e ndjindji, anga ani adɛ asia omakilisito inde adɛ ago agba ani-e ndjindji-e naali. Ani atsia a ayo ka ani me, ani lila li e ka bhoko bini inde a dɛ 'li e me Diotelefe malila.

Ongbengbe ongú inde bhú bhuku inde-e ngae inde:

Eli na kalanɛ 1-4

Nakpo 'ngú ndjindji li kɛte Gaiusi 5-8

Na'o 'ngú pindji Diotelefe 9-10

Na'o 'ngú pindji Demetiliusi 11-12

Eli na soso 13-15

Djaa yi Gaiusi mayi

**1** <sup>1</sup>Ngama, \*Bhele Kpála , ma ngaye balɛa inde-e pi mɛ Gaiusi, ngamɛ \*ndai ma na mukɛnda, inde ma kɛnda e kukɛlɛ-o.

<sup>2</sup>Ndai ma na mukɛnda, gɛmɛ gba ma me ndɛ 'ngú gba mɛ-o hana dholo ndjindji, mɛ dɛ ne kɛte na angu, maka mɛ nde lie ne angu li bua mɛ ko.

Gaiusi ngadholo bhú engú na kukɛlɛ

<sup>3</sup>Ma akpi nako djali naali, anga li nedhinga inde li ondaise ní ago lie, u akpokpo mɛma me mɛ ngamene engú na kukɛlɛ. A moko, mɛ ngadholo bhú engú na kukɛlɛ. <sup>4</sup>Ehe inde la ngaha djali mɛma ane ndɛ ongú koko hana-a, a ko nadjɛ me ongisi gba ma-a ngadholo bhú engú na kukɛlɛ.

<sup>5</sup>Ndai ma na mukɛnda, mɛ ngamene engú inde na babadha pi ondaise ní, belegɛ di ne pi obhende mɛ mbila o de-o. <sup>6</sup>U akpokpo engú na mukɛnda gba mɛ-o kala okpála na Piga gba Ebhe. Mene 'he inde ndjindji bhú djila Ebhe, ne naha ehe inde atéteke uo li kpadji-e pi uo. <sup>7</sup>Padhá de, anga u ngadholo ngɛbula 'li \*Kilisito . La di-e, u ti da nasia 'he ka omɛpagano belegɛ de bini. <sup>8</sup>Kaka-a, a ayo me nganí makpe-e, ní teteke ngua okpála bhomɛ-o nganí, amba ní kpɛtse di liní ne uo ngú nakpokpo 'ngú na kukɛlɛ.

Engú pindji Diotelefe ngauo ne Demetiliusi

<sup>9</sup>Ma aye nako mboye balɛa pi okpála na Dadjua gba Ebhe. Engú bini, Diotelefe, kpála inde akɛnda nae me bhú ndɛ 'ngú hana u dje bha ni-e, atsia au engú ang-o bhú djila e padhá. <sup>10</sup>Kaka-a, ma agó lie, ma ambamba ta engú na sisiti inde ani ngamene e-o. Ani ngapa ongú na sisiti di ne eu li kɛte ya. Engú bini, ani pise bha bini li bhende bhomɛ-o de, ani ngayala nasia ondaise ní. Ani ngapa la di pi obhende ngakɛnda nasia uo me u mene mo-o, ni pándja uo bhú Piga gba Ebhe-o.

<sup>11</sup>Ndai ma na mukɛnda, mo oméne 'ngú maka okpála na sisiti de. Engú bini, mene mangbo engú maka okpála na babadha. Kpála bhende ngamene bádha 'ngú-o, a ko kpála gba Ebhe. Kpála bhende ngamene siti 'ngú-o, kpála bhomɛ-o mbila Ebhe de.

<sup>12</sup> Ndú okpála hana ngakpo 'ngú pindji Demetiliusi ndjindji. La di-e, engú na kúkúlu ngae makpe ngakpokpo 'ngú gba ani-o. Nganf di-e, ní bhadi ngakpokpo 'ngú gba ani-e moko. Mú ngambila la di me engú inde ní ngakpokpo e, a ko kúkúlu 'ngú.

<sup>13</sup> Ma ne ongú bhelé napapa pí mú. La-a, ma kúnda nayeye maye de, <sup>14</sup> anga ma akúnda nau mú má gala, amba ní gama 'ngú me ní nde ngau liní mau.

<sup>15</sup> A ayo me \*guo 'ngú dú bhú dabilí bini ne mú! Ondaise ní inde ei-e apa me, o yi mú mayi. Pa la di pí ondaise ní inde oo me, ya yi kpála bini ne bini mayi.